



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Innocentio XI. Ad Innocentium XII.

**Luxemburgi, MDCCXLI.**

24. Sacerdotalis & Regiæ &c. Confirmatio, Reformatio, & Concessio  
respectivè Jurisdictionum, & Facultatum Tribunalis, & Magistratus Viarum.

---

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)



& signanter in vigilia, ac festo Sanctorum Apostolorum Petri, & Pauli, ac in Nativitate Sanctissimi Domini Nostri Jesu Christi, & denique obventiones, & responsiones quasunque quocunque nomine nuncupatas, quae prius in compensationem pretii per soluti memoratis Officialibus respectivè debebantur, & solvebantur, penitus, & omninò cessare debere, illaque omnia, & singula pro indemnitate ejusdem Camerae Apostolicae urgentibus necessitatibus pressae, & nuper etiam pretii, & expensarum restitutione praefatis Officialibus, ut praefertur, facta, magis gravata, motu, scientia, deliberatione, ac potestatis plenitudine paribus restituimus, reuimus, incorporamus, & applicamus.

Decreta roborantia cum clausula sublata, & decreto irritanti.

§. 5. Decernentes easdem praesentes Litteras, etiam ex eo, quod praefati causarum Curiae Camerae Apostolicae Generalis Auditor, ac ejusdem Camerae Thesaurarius Generalis, duodecim Clerici Praesidentes, ac alter Praesidens, & alii quicunque in praemissis quomodolibet jus, vel interesse habentes, seu habere praetendentes, eisdem praemissis non consenserint, aut vocati, seu auditi non consenserint, aut vocati, seu auditi non fuerint, tamen suorum inductorum, seu privilegiorum vigore consentire, vocari, seu audiri semel, vel pluries quomodolibet debuissent, aut ex aliqua quacunque, quantumvis juridica, & privilegiata causa, de illo subreptionis, vel obreptionis, seu nullitatis vitio, aut intentionis Nostrae, vel interesse habentium consensu, alioque quocunque, etiam quantumvis magno, formali, & substantiali defectu notari, impugnari, redargui, retractari, in jus, vel controverliam revocari, ad terminos juris reduci, seu adversus illas a perititionis oris, restitutionis in integrum, aliudve quodcunque juris, facti, vel gratiae remedium intentari, vel impetrari, nullatenus posse, sed semper, & perpetuò validas, firmas, & efficaces existere, & fore, suosque plenarios, & integros effectus sortiri, & obtinere debere, & ab omnibus, ad quos spectat, & pro tempore quodcunque, & quomodocunque spectabit, inviolabiliter observari; Sicque, & non aliter per quoscunque Judices ordinarios, & Delegatos quavis auctoritate, praesinentia, aut potestate fungentes, & functuros, etiam praefatae Camerae Clericos Praesidentes, causarum Palatii Apostolici Auditores, & S. R. E. Cardinales, etiam de latere Legatos, Sublati eis, & eorum cuilibet quavis aliter judicandi, & interpretandi facultate judicari, & definiti debere; Irritum quoque, & inane, si secus super his à quoquam scienter vel ignoranter contigerit attentari.

Derogationes.

§. 6. Non obstantibus, quatenus opus sit, de jure quaesito non tollendo, aliisque Nostris, & Cancellariae Apostolicae regulis, & felicis recordationis Symmachi, Pauli Papae Secundi, Pauli Papae Quarti, & aliorum Pontificum Praedecessorum Nostrorum de rebus Ecclesiae non alienandis, & alienatis recuperandis, ac recol. mem. Pij Papae Quarti similiter Praedecessoris Nostri de gratis quaecunque interesse dictae Camerae concernentibus intra certum inibi expressum tempus exhibendis, & registrandis, itaut easdem praesentes Litteras ibidem exhiberi, & registrari nunquam necesse sit, aliisque quibusvis Constitutionibus, & ordinationibus, ac Tribunalium, Officiorum, & Officialium praefatorum, etiam juramento, confirmatione Apostolica, vel quavis alia firmitate roboratis statutis, consuetudinibus, & decretis, etiam Cameralibus, & Consistorialibus, necnon quibuscumque eorumdem officiorum erectionibus, & concessionibus, etiam praesentium Possessorum, tamen aliis factis ad vitam, seu in perpetuum, ac etiam ex causa onerosa, seu corrispectiva, vel per viam contractus, seu vim contractus habente; Privilegiis quoque, indultis, & Litteris Apostolicis, Tribunalibus, Officiis, seu Officialibus praefatis sub quibuscumque tenoribus, & formis, cum quibusvis etiam derogatoriis derogatoriis, aliisque efficacioribus, & efficacissimis, &

in solitis clausulis, & decretis, in genere, vel in specie, etiam motu, & potestatis plenitudine similibus, aut aliis quomodolibet per Nos, & Romanos Pontifices Praedecessores Nostros in contrarium eorumdem praemissorum concessis, ac etiam pluries confirmatis, innovatis, & approbatis: Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata, exprimerentur, & infererentur, iisdem praesentibus pro plenè, & sufficienter expressis, & insertis habentes, illis aliis in suo robore permanentibus, ad praemissorum effectum harum specialiter, & expressè motu, scientia, deliberatione, & potestatis plenitudine paribus derogamus, & derogatum esse volumus, caeterisque contrariis quibuscumque.

Sanctio poenalis.

§. 7. Nulli ergò omninò hominum liceat paginam hanc nostrarum suppressionis, extinctionis, remotionis, abolitionis, voluntatis, mandati, decretorum, restitutionis, reunionis, incorporationis, applicationis, & derogationis infringere, vel ei ausu temerario contraire: Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

D. 23. Oct. 1692. P. A. 2.

Datum Romae apud S. Mariam Majorem Anno Incarnationis Dominicae millesimo sexcentesimo nonagesimo secundo, Decimo Kal. Novembris, Pontificatus Nostri Anno Secundo.

B. Card. Prodatarius J. F. Card. Albanus,

Visa de Curia J. Sacripantes.

D. Ciampinus.

Loco ✕ plumbi

Registrata in Secretaria Brevium.

Anno à navitate D. Nostri Jesu Christi millesimo sexcentesimo nonagesimo secundo, Indictione decima quinta, die vero vigesima tertia Octobris, Pontificatus autem sanctissimi in Christo Patris & Domini Nostri, Domini Innocentii Divina providentia Papae XII. Anno secundo supradicta Constitutio affixa, & publicata fuit ad valvas Ecclesiae S. Joannis Lateranensis, Basilicae Principis Apostolorum, & Cancellariae Apostolicae, in Aede Campi Florae, ac in aliis locis solitis, & consuetis Urbis, per me Sebastianum Vasellum ejusdem Sanctissimi Domini Nostri Papae Cursorem.

Publicatio.

Pro D. Mag. Curf. Thomas Orlandus Apost. Curf.

Confirmatio, Reformatio, & Concessio respectivè Jurisdictionum, & Facultatum Tribunalis, & Magistratus Viarum.

XXV.

INNOCENTIUS EPISCOPUS.

Servus Servorum Dei; Ad perpetuam rei memoriam.

Sacerdotalis, & Regiae Urbis Nostrae ad illud sublimitate fastigium, ut per Beati Petri Sedem Caput Orbis effecta, latius praesideat Religione Divina, quam unquam imperaverit dominatione terrena, venustati, decori, & commodis etiam temporalibus ed Nos convenit ampliori cura prospicere, quo ipsam, ubi praecipuum m

Motiva Constitutionis pro decore, & commodo Urbis Capitulis Ordinibus.

Apostolorum



Apostolorum glorificatus est exitus, & quam in communem patriam Christianus populus universus agnoscit, singulari dilectione gerimus in paternae visceribus Charitatis: Dum verò in eadem Sede, meritis licet imparibus, superna dispositione locati, Romanorum Pontificum Prædecessorum Nostrorum exemplo, ad Urbem præfatam considerationis nostræ oculos principaliter convertimus, ejus etiam Districtus, aliorumque Nobis, & Romanæ Ecclesiæ etiam in temporalibus subsectorum locorum commodioribus viis, aliisque utilitatibus in Subditorum nostrorum, & quorumcunque Romipetarum beneficium respectivè consulere non præmittimus.

§. 1. Aliàs siquidem fel. recordationis Martinus Papa V. Prædecessor Noster, cum rei evidentia edoctus fuisset, quod præfata Urbs, ejusque Districtus ex defectu Officii Magistrorum, quod antiquitus pro viarum, stratarum, platearum, & locorum tam publicorum, quam privatorum, necnon aedificiorum, lapideorum, & ligneorum, parietum, tignorum, bancorum, tectorum, tabulorum, mœniorum, apothecarum, & pontium, portarum, transituum, aquarum decursuum, canalium, & meatuum, necnon urbanorum, & rusticorum prædiorum, pratorum, hortorum, atque vinearum finium, restorationum, servitutum, & libertatum administratione, institutum, & ordinatum fuerat, in præmissis grandem patiebatur deformitatem; Necnon accepisset, nonnullos Cives, & Incolas res fetidas, & corruptas in vias, stratas, plateas, & loca publica, & privata hujusmodi projicere, seu vias, stratas, plateas, & loca publica, & Ecclesiastica occupare, alienare, & in usus proprios deducere, & propterea hujusmodi deformitatibus, excessibus, & incommodis polletentis occurrere cupiens, Officium Magistratus hujusmodi juxta illius institutionem auctoritate Apostolica suscitavit, reintegravit, & restituit; Duos quoque Urbis, & Districtus præfatorum Viarum Magistros ad suum beneplacitum deputavit, cum solitis ab antiquo jurisdictionibus, potestatibus, honoribus, privilegiis, libertatibus, atque oneribus universis in præmissis, & circa ea concernentibus, dependentibus, & annexis, etiam cum facultate faciendi Submagistros, necnon hujusmodi excessus reparandi, corrigendi, & emendandi absque cujusvis vocatione, seu citatione, sed juxta datam illis à Domino prudentiam, etiam per demolitionem quorumcunque aedificiorum, necnon præmissorum occasione gravatos absque lite, sed summarè, simpliciter, de plano, & quibuscunque tunc expressis non obstantibus relevandi, restituendi, & repouendi, Contradictores quoque, & rebelles privandi, banniendi, arresandi, incarcerandi, omniaque, & singula faciendi, & exercendi, quæ Magistri illorum Prædecessores facere, & exercere potuerunt, seu etiam debuerunt, & aliàs, prout in eisdem Martini Prædecessoris secundo Kal. Aprilis Pontificatus sui Anno octavo expeditis Literis plenius continetur.

§. 2. Successivè alii Romani Pontifices Prædecessores Nostri, & præsertim similis recordationis Sixtus IV. Anno Incarnationis Dominicæ millesimo quadringentesimo octuagesimo Pridie Kal. Julii, Leo X. Anno ejusdem Incarnationis millesimo quingentesimo decimo septimo, quarto Nonas Novembris, & Pius IV. Anno Incarnationis præfate millesimo quingentesimo sexagesimo quinto Decimo Kal. Septembris per suas respectivè editas Literas S. R. E. Camerario, & præfatis Viarum Magistris, pleræque conjunctim, aliquas verò separatim exercendas jurisdictiones, facultates, & functiones confirmarunt, ameliorant, & respectivè concesserunt. Quas, & alias hujusmodi Literas cum decreto Camere Apostolicæ de Inquinis in emptione domorum præferendis, tamen recol. memor. Pius Papa V. etiam Prædecessor Noster per quasdam suas Motus proprii Cedulas sub Datum quarto Idus

Aprilis, & quinto Nonas Julii Pontificatus sui Anno sexto, quoad jus congrui, & nova (non tamen Sacra, aut publica) construenda aedificia, ad terminos Juris communis reduxerit, nihilominus pie mem. Gregorius Papa XIII. similiter Prædecessor Noster per alias suas Anno Incarnationis præfate millesimo quingentesimo septuagesimo quarto Kalendis Octobris editas Literas, prædictis memoratorum Sixti, Leonis, ac Pii IV., & Pii V. Literis, quatenus ad aliquid eorum, quæ in iisdem suis Literis continebantur, pertinebant, & de aliquo eorum statuebant, & disponebant, antiquatis, abrogatis, & penitus revocatis, & sublatis, plurima innovavit, statuit, decrevit, & ordinavit circa aedificia, & ornatum dictæ Urbis, ac coactas, seu voluntarias venditiones, & jus congrui, seu retractus eorumdem venditionum occasione competens, seu institutum, in eadem Urbe, tum intrà tria, & respectivè duodecim à præfata Urbe miliaria, cum multis facultatibus, & jurisdictionibus plerumque à præfatis Camerario, & Viarum Magistris conjunctim exercendis.

§. 3. Aliæ quoque, & quidem multiplices jurisdictiones, facultates, curæ, & functiones in quampluribus sive prædictorum, sive aliorum Romanorum Pontificum Prædecessorum nostrorum Chirographis, Literis in forma Brevis, ac Motus proprii cedulis, necnon in eisdem Urbis à Sede Apostolica confirmatis statutis eidem S. R. E. Camerario, Præsidi, & Magistris Viarum præfatis; aliquando singulis separatim, aliquando aliquibus mixtim, & aliquando omnibus insimul concessæ, seu demandatæ fuerunt, exercitium tamen judicialis, & contentiosæ jurisdictionis in iis, quæ dictis Viarum Magistris injuncta fuerant, penes eorum Assessorem ab eadem Apostolica Sede deputatum existere consuevit.

§. 4. Hinc Nos ab usibus, qui desuper irrepserant, occurrere, justitiæ administrationi in præmissis plenius consulere, ac præfate Urbis ornatui, necnon ejusdem, illiusque Districtus, & Ditionis Ecclesiasticæ respectivè Viarum, locorum, & aliorum quorumcunque in præfatis Literis, & ordinationibus quoquo modo contentorum instructioni, conservationi, reparationi, restorationi, & expurgationi, quantum Nobis ex Alto conceditur, uberius respectivè providere cupientes; Ac propterea omnium præfatarum, & aliarum, si quæ sint, Literarum tam sub plumbo, quam in forma Brevis, motus proprii cedularum, chirographorum, ordinationum, & statutorum quorumcunque circa præmissa existentium tenores, ac si de verbo ad verbum inserti essent, pro plenè, & sufficienter expressis habentes, de dilectorum filiorum nonnullorum Romanæ Curie Prælatorum, & Virorum pietate, doctrinâ, prudentiâ, & rerum usu præstantium specialiter ad id à Nobis deputatorum, qui rem maturè examinarunt, consilio, ac etiam Motu proprio ex certa scientia, & matura deliberatione Nostri, deque Apostolicæ potestatis plenitudine, memoratas Literas, cedulas, chirographa, ordinationes, & statuta in iis, quæ præsentibus, & omnibus, & singulis hic contentis quoquo modo non adversantur, earumdem tenore præsentium approbamus, confirmamus, & innovamus, illisque perpetuum, & invariablem firmitatis robar adjicimus, & ab omnibus, & singulis, ad quos spectat, & pro tempore spectabit, penitus, & omnino observari volumus, & mandamus.

§. 5. Decernentes, omnes, & singulas hujusmodi Literas, sanctiones, statuta, & ordinationes tam speciales Tribunalis, seu Magistratus, quam generales, & in parte de eodem Tribunali, seu Magistratu tractantes, necnon omnes, & singulas jurisdictiones, facultates, curas, & functiones, & administrationes hujusmodi quoquo modo concessas,

Subduntur facultates concessæ per dispositiones particulares, & de exercitio judicialium per Assessorum.

Confirmat dispositiones antecedentes in iis, quæ non adversantur Constitutioni præfate.

Et decernit intelligendas juxta præfatum.

Martinus V. Magister Viarum restituit cum amplissimis facultatibus.

Narrantur dispositiones Sixti IV. Leonis X. Pii IV. Beati Pii V. & Greg. XIII.



non aliter quam ad formam harum presentium observari, exequi, & intelligi posse, & debere, perinde, acsi ab initio instituta, & respectu concessa, attributa, directa, & demandata fuissent personis, modis, ac formis in presenti nostra in perpetuum valitura Constitutione contentis, quam, suppleto omnem, & quamcumque alioquin necessariam, seu opportunam expressionem, ac sublati omnibus, & quibuscumque contrariis, diversis, seu differentibus, omnino, & inviolabiliter servari, adimpleri, & exequi volumus, & mandamus.

§. 6. Reformationem vero Tribunalis, seu Magistratus hujusmodi a jurisdictionis norma, & distinctione incipientes, praevia pretii, ac impense expeditionis restitutione jam facta ei, qui Magistrorum Viarum Assessoris officium habentis obtinuit, officium hujusmodi penitus, & omnino suppressimus, abolemus, & abrogamus.

§. 7. Jurisdictionem in omnibus, & singulis causis in juris congrui, seu retractus cum omnibus, & singulis ab eo dependentibus, annexis, & connexis, in quibus antehac memorati Camerarius, ac Magistrorum Viarum Assessor in simul procedebant, in posterum ad eundem Camerarium privatim quoad alios spectare: Hujusmodi autem causas in gradu appellationis iisdemmodis, & formis, quibus hactenus observatum fuit, ad Praesidem Viarum devolvendas esse, & ab illo ad Tribunal Cameræ supradictæ appellandum esse decernimus.

§. 8. In reliquis omnibus causis, & negotiis, eorumque annexis, connexis, & dependentibus, omnem, & quamcumque necessariam, & opportunam jurisdictionem pro tempore existenti Viarum Praesidi, privatim quoad alios concedimus, & ad eundem, a quo ad Cameram praefatam pariter appelleretur, spectare volumus, & mandamus.

§. 9. Magistris tamen Viarum tam in Urbe, quam in ejus Districtu praefatis occasiones, seu in actu vias ejusdem districtus invadendi, facultatem coercendi contravenientes constitutionibus, bannimentis, statutis, & ordinationibus Tribunalis, seu Magistratus, necnon ipsorum Magistrorum, vel alterius eorum praecipis, seu iustibus, usque ad eorundem contravenientium incarcerationem, ac etiam incarcerationem, in forma tamen extrajudiciali, prout etiam procedendi in simili forma contra hujusmodi contravenientes ad pignorationem pro multis, & penis pecuniariis in praefatis bannimentis contentis, ac eorundem pignorum restitutionem (reservatis semper praedicto Viarum Praesidi ulteriori cognitione, & recurso) praeservamus, & quatenus opus sit, etiam concedimus.

§. 10. Iisdem quoque Viarum Magistris curam, superintendentiam, & administrationem instruendi, reficiendi, restaurandi, manutenendi, mundandi, & expurgandi vias, plateas, & loca Urbis, nec non confirmandi, eligendi, & amovendi Architectos, Submagistros, Operarios, & Artifices praedicto Magistratui Viarum inservientes, salvo semper jure Praesidis eisdem ex justa causa removendi, prout etiam facultatem licentias hactenus ab iisdem dari solitas, & in posterum pro indemnitate Magistratus, & Officialium juxta modum praescribendum registrandas, & sigillo Praesidis gratis munientas, concedendi, salvo ad memoratum Praesidem, auditis Magistris, ab hujusmodi licentiarum denegatione, seu indebita concessione recurso, similiter praeservamus, & quatenus opus concedimus.

§. 11. Eidem Praesidi Procuratorem Fiscalem, Ratiocinatorem, & Exactores quarumcumque taxarum, vel exactorum, tam in Urbe, quam in ejus Districtu supradictis, nec non Mandatarium, & Viarum Commissarium, cum Magistrorum praefatorum consilio, & Baroncellum ad ejus libitum deputandi, & amovendi facultatem concedimus: Reservata tamen Venerabili Fratri Nostro Palatio Episcopo Praenestino ejus-

dem S. R. E. Cardinali de Alteriis nuncupato dictae Sanctae Romanae Ecclesiae Camerario praedictos Procuratorem Fiscalem, Ratiocinatorem, & Mandatarium, donec vixerit, deputandi, & amovendi, facultate.

§. 12. Ad haec omnes, & singulas jurisdictiones, facultates, curas, & emolumenta quaecumque pro tempore existentibus ejusdem S. R. E. Camerariis in platea Agonis competentes, & competentia, seu ab illis exerceri, & percipi hactenus consuetas, & consuetas, ex nunc prout ex tunc, sequito obitu memorati Palatii Episcopi Cardinalis, & Camerarii, cui pariter, donec vixerit, nullum jus hujusmodi adimere volumus, & declaramus, ab eodem Camerariatus Officio penitus, & omnino dismembramus, & separamus, illaque, & illa Tribunali, & Magistratui Viarum sub cura, regimine, & jurisdictione solius pro tempore existentis Praesidis Viarum ad limites, & formam praesentium, absque ulla prorsus inter dictam Agonis, & alias plateas Urbis differentia, seu distinctione restituimus, seu unimus, annectimus, & incorporamus, & restitutas, seu unitas, annexas, & incorporatas esse volumus, & mandamus.

§. 13. Ex nunc autem omnes, & singulas jurisdictiones, facultates, curas, & administrationes hujusmodi cuicumque personae, etiam praefatae S. R. E. Cardinali, etiam ejusdem S. Romanae Ecclesiae Vice-Cancellario, Collegiis, Capitulis, Locis piis, Basilicis, & Ecclesiis, etiam Patriarchalibus, & quibuscumque, quavis dignitate, vel praesentia tam Seculari, quam Ecclesiastica fungentibus, etiam speciali, & individua mentione dignis, super plateis, viis, & locis Urbis praefatae quoquo modo concessas, vel competentes, nec non emolumenta, de quorum percipiendorum valido, & subsistenti jure, quod respectu aliorum, quam Ecclesiarum, & Locorum piorum, ex titulo verè, & proportionate oneroso, & correceptivo esse debeat, legitime non constiterit, suppressimus, abolemus, & abrogamus, ac ab eisdem, seu eorum officis, vel numeribus separamus, & dismembramus, illaque, & illa modo, & forma praemisissis ex nunc Tribunali Viarum sub cura, regimine, & jurisdictione pro tempore existentis Praesidis Viarum hujusmodi restituimus, seu unimus, annectimus, incorporamus, & quatenus opus sit, de novo concedimus.

§. 14. Praeterea inhaerentes aliis factis Chirographis, & Ordinationibus Tribunalis, & Magistratus hujusmodi, quaecumque privilegia, & exemptiones, & quasvis Literas patentes ibidem revocatas, & praesentibus adversantes, nullatenus suffragari declaramus, illaque, & illas iterum revocamus, cassamus, & annullamus; Volentes, & mandantes, omnes, & singulos, nemine prorsus excepto, in iisdem Chirographis specificatos, seu comprehensos etiam Palatii Nostri Apostolici, & cujuscumque Judicis, & Tribunalis, tametsi speciali, & individua nota dignorum, nec non dictae S. R. E. Cardinalium, Basilicarum, Ordinum, Congregationum, & Societarum, etiam Jesu, Ministros, & Officiales quoscumque, & quibusvis Literis patentibus munitos, ac Neophytos, & milites, etiam auxiliares Arcis S. Angeli, & Alabardarios nuncupatos Gubernatoris Urbis quoscumque, & quoscumque, etiam in minori, & modico, seu minimo numero, ad solutionem, & contributionem quarumcumque taxarum, & impositionum, aequè ac alios non privilegiatos, teneri, & obligatos esse, nec non jurisdictioni Tribunalis, & Magistratus hujusmodi, ac omnibus, & singulis illius constitutionibus, & ordinationibus quibuscumque pariter esse, & remanere subiectos. Prout etiam praefata chirographa, & ordinationes innovantes, & ampliantes, a decretis, mandatis, & sententiis super solutione quarumcumque taxarum, seu contributionum a Tribunali, seu Magistratu praefatis impostarum, & imponendarum, & respec-

Assessoris Officii suppressio.

Causae, in quibus in simul procedebant Camerarius, & Assessor spectat ad Camerarium.

Appellatio ad Praesidem, & ab isto ad Cameram.

In omnibus aliis Jurisdictione privatim ad Praesidem Viarum.

Magistris Viarum praeservatio coercitio momentanea.

Iisdem Magistris relinquitur administratio, & Jurisdictione oeconomica.

Officialium deputatio spectat ad Praesidem.

Jura Card. Camerarii super foro Agonali univertur Tribunali Viarum.

Eidem Tribunali applicat Jurisdictiones aliarum Viarum.

Exemptiones, & Immunitates revocantur, omnesque tenentur ad solutionem taxarum.

A Decretis pro solutione taxarum negatur appellatio, imò





etiam re-  
curfus  
quoad fu-  
spensivum.

Civē super affectuum, seu appaltuum ab Affectuariis, seu Appaltatoribus debitorum, seu debendorum solutione, nec non super rationibus per administratores, seu economos reddendis, & super restitutione, vel solutione eorum, quae per eosdem administratores, seu economos exacta fuerint, nullam admittendam esse appellacionem, seu recursum in suspensivo, sed in devolutivo tantum, ita ut quaecunque appellaciones, & recurfus, seu citaciones, inhibitiones, superflorae, & decreta in vim appellacionum, seu recursum hujusmodi faciendae, seu faciendae, absque ullo attentatorum, penarum, seu nullitatum incurfu, possint impunē sperni.

Solutio  
praescripta  
remanet  
lapiu trien-  
nii.

§. 15. Solutiones quarumcumque taxarum, pro quibus judicialiter mediante contestatione litis, vel saltem tentata aliqua executione mandatorum, actum non fuerit, triennio ex nunc quoad praeteritas, & à die impositionis quoad futuras taxas computando, praescribantur.

De elec-  
tione, &  
duracione  
Praesidis  
Viarum, &  
Magistru-  
rum.

§. 16. Ceterum Praeses Viarum hujusmodi non amplius ad annum in Camera praedicta, ut moris erat, forte extrahatur, sed à Nobis, seu Romano pontifice pro tempore existente ad Nostrum, & ejusdem pro tempore existentis Romani Pontificis, & dictae Sedis beneplacitum, in posterum deputetur. Ex Magistris verò Viarum non amplius uterque insimul, sed alteruter tantum, ut unus semper pendentibus Magistratus negotiis instructus remaneat, dimittatur.

Forma de-  
liberandi  
appaltus  
super Juri-  
bus via-  
rum.

§. 17. Appaltus expurgationis Urbis, nec non unius Julii, qui singulis trimestribus pro quolibet apotheca solvitur, indemque curruum, seu rheadarum, ac cistorum vulgò caleffi, locari solitorum, praefato Palatio Cardinale, & Camerario pariter donec vixerit, insimul cum Praeside, & Magistris Viarum hujusmodi; Alii verò appaltus, affectus, ac post obitum memorati Palatii Episcopi Cardinalis etiam dicti appaltus expurgationis Urbis, & praefati Julii, necnon curruum, seu rheadarum, & cistorum praenominatorum in Congregatione singulis hebdomadis pro negotiis dicti Tribunalis, seu Magistratus faciendae, cui idem Praeses, Magistri Viarum, & alii Ministri de more inter sint, apertis semper in supradictis congressibus cedulis oblationum, & facta deliberatione meliorem conditionem facienti respectivè concludantur, & stipulentur.

Taxa emolumentorum im-  
pressa ex-  
posita ha-  
beat.

§. 18. Renoveretur, seu fiat, facta imprimatur, & impressa in locis à Praeside praescribendis exponatur, & retineatur distincta, & moderata Taxa omnium, & singulorum emolumentorum tam Tribunalis, seu Magistratus, quam singulorum ejus ministrorum, seu Officialium, nihilque prorsus praeter, vel contra eandem, sub penis arbitrio memorati Praesidis infligendis, percipiatur, vel exigatur.

Exactores  
non adno-  
tantes ex-  
acta tenen-  
tur de fal-  
so.

§. 19. Teneantur singuli Exactores sub poena falsi distincte, & diligenter annotare omnes, & singulas taxas, & quoscunque earundem debitores, prout etiam omnes, & singulas etiam minimas exactiones, ac personas, à quibus exegerint, intra quindecim dies post quamlibet, licet minimam exactiorem computandos, istaque omnia diligenter, fideliter, & distincte describere in Libris in Officio Notarii Tribunalis retinendis, & cuicumque quodlibet interesse habenti promptè exhibendis.

Emolu-  
menta ero-  
gantia pro  
expurga-  
tione Via-  
rum.

§. 20. Omnia, & singula emolumenta Tribunalis, seu Magistratus, etiam ex taxa curruum, & cistorum praefatorum locari solitorum, necnon ex pretio situum publicorum, in beneficium Tribunalis, seu Magistratus, vel implementum ejus onerum, & praesertim in expurgationem viarum convertantur.

Magistri  
Viarum  
contenti  
stipendio  
publici ab-  
stineant à  
muneribus,  
& emolumentis.

§. 21. Magistri Viarum nulla prorsus etiam minima, ac etiam spontè oblata, tum in pecunia, tum in qualibet specie, & tam ordinaria, quam extraordinaria, certa, & incerta emolumenta, ratione eorum muneris, seu quarumcumque licentiarum, ac-

cessuum, & functionum posthac amplius exigere, seu percipere quoquo modo valeant, sed solo annuo stipendio scutorum quadringentorum monetæ Romanæ pro quolibet eorum, ex emolumentis Magistratus extrahendo, quod illis constituimus, & assignamus, omninò debeant esse contenti.

Vigilantia  
pro con-  
servandis  
viis Con-  
sularibus.

§. 22. Viæ Consulares districtus Urbis propriis sumptibus, & expensis personaliter revideantur, & recognoscantur, saltem semel in anno pro qualibet via per dictos Magistros Viarum, quo verò ad Praesidem praefatum ejus arbitrio, & ultra hujusmodi accessus, in quibus necessitatibus, reparationibus, & commoditatibus hujusmodi viarum debeant iidem respectivè consulere, & providere, semper invigilent, ac certiorari sagagent de omnibus earundem viarum necessitatibus, & incommodis, etiam per Literas circulares Gubernatoribus, & Communitatibus, seu Universitatibus Civitatum, Terrarum, seu Locorum, in quorum Territoriis viæ praefatae consistunt, ut responsiones, & aliae informationes desuper habitae, in Congregatione praefata, ad effectum opportunè desuper providendi, referantur, & examinentur.

Jurisdic-  
tio  
Praesidis  
Viarum  
qualis in  
Districtu,  
& extra.

§. 23. Praesidis Viarum superintendencia, & facultates vias Consulares Ditionis Ecclesiasticae extra praefatum districtum exilentes comprehendant, & ejusdem Ditionis Gubernatores subiecti sint ordinationibus memorati Praesidis, qui de viarum praefatae Ditionis instructione, refectione, restauratione, & mantentione, non tamen in judicialibus, debeat esse sollicitus. In districtu verò omnem suam jurisdictionem in viis tam Consularibus, quam non Consularibus respectivè valeat exercere.

Decreta  
borantia  
cum clau-  
sula subla-  
ta, & De-  
creto irri-  
tanti.

§. 24. Decernentes, easdem praesentes Literas, & in eis contenta quaecunque, etiam ex eo, quod omnes, & singuli supradicti, ac alii quicumque in praemissis quomodolibet jus, vel interesse habentes, seu habere praetendentes, cujusvis status, gradus, ordinis, praecminentiae, vel dignitatis, seu alias specificae, & individuae mentione, & expressione digni existant, iisdem praesentibus non consenserint, nec vocati, seu auditi fuerint, tamen si suorum indultorum, vel privilegiorum vigore consentire, seu vocari, & audiri semel, vel pluries quoquo modo debuissent, aut ex alia quantumvis juridica, & privilegiata causa, colore, praetextu, & capite, etiam in Corpore Juris clauso, ullo unquam tempore de subreptionis, vel obreptionis, seu nullitatis vitio, aut intentionis nostrae, vel interesse habentium consensus, alioque quolibet, etiam quantumvis magno, & formali, ac substantiali defectu notari, impugnari, infringi, in controversiam revocari, ad terminos juris reduci, seu adversus illas aperiitionis oris, restitutionis in integrum, aliudve quodcumque juris, facti, vel gratiae remedium intentari, vel impetrari nullatenus posse, sed semper, & perpetuò validas, firmas, & efficaces existere, & fore, suosque plenarios, & integros effectus sortiri, & obtinere debere, & ab omnibus, ad quos spectat, & pro tempore quandocumque, & quomodocumque spectabit, inviolabiliter observari; Sicque, & non aliter per quoscunque Judices Ordinarios, & Delegatos quavis auctoritate, praecminentia, aut potestate fungentes, & functuros, etiam Causarum Palatii Apostolici Auditores, & dictae S. R. E. Cardinales, etiam de latere Legatos, Sublatà eis, & eorum cuilibet quavis aliter judicandi, & interpretandi facultate, judicari, & definiti debere; Irritum quoque, & inane, si secus super his à quoquam quavis auctoritate scienter vel ignoranter contigerit attentari.

Deroga-  
tiones  
contrario-  
rum.

§. 25. Non obstantibus omnibus, & singulis praemissis, & quatenus opus sit, nostrà, & Cancellariae Apostolicae regulà de jure quaesito non tollendo, necnon praefati Pii VI. Praedecessoris de gratiis qualescunque interesse Camerae Apostolicae concernentibus, in dicta Camera intra certum inibi praescriptum tempus praesentandis, & registran-



dis, necnon aliis quibuscunque Apostolicis, ac etiam in Generalibus Conciliis editis, & edendis Constitutionibus, Ordinationibus, ac Urbis, & Curiae Romanae, & Camerae Apostolicae, ejusdemque Curiae Tribunalium, quarumcumque Ecclesiarum, etiam Patriarchalium S. Joannis in Laterano, Principis Apostolorum, & S. Mariae Majoris, Monasteriorum, Hospitalium, Locorum piorum, necnon Ordinum, Congregationum, & Societatum, etiam Jesu, & quibusvis aliis, etiam juramento, vel alia quavis firmitate roboratis statutis, usibus, styliis, consuetudinibus, & decretis, etiam novis reformationibus quibuscunque, legibus, & canonibus, privilegiis quoque, indultis, & Literis Apostolicis, sub quibuscunque verborum tenoribus, & formis, & cum quibusvis, etiam derogatoriis derogatoriis, aliisque efficacioribus, efficacissimis, & insolitis clausulis, & decretis in genere, vel in specie, etiam motu, scientia, & potestatis plenitudine similibus, vel ad quorumvis instantiam, ac etiam consistorialiter, aut aliis quomodolibet per Nos, & Romanos Pontifices Praedecessores Nostros in contrarium eorumdem praemissorum concessis, ac etiam pluries confirmatis, innovatis, & approbatis, quibus omnibus, & singulis, etiam pro illorum sufficienti derogatione de illis, eorumque totis tenoribus specialis, specifica, individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata, exprimerentur, & infererentur, iisdem praesentibus pro plenè, & sufficienter expressis, & inferentibus habentes, illis aliis in suo robore permanentibus, ad praemissorum effectum harum serie specialiter, & expressè, motu, scientia, deliberatione, & potestatis plenitudine paribus, specialiter, & expressè derogamus, & derogatum esse volumus, & mandamus, nec non omnibus illis, quae iidem Praedecessores Nostri in praemissis quibuscunque eorum Litteris, & Chirographis voluerunt non ob stare, caeterisque contrariis quibuscunque.

Affixio  
vim ha-  
beat inti-  
mationis  
personalis.

§. 26. Volumus autem, quod postquam praesentes valvis Ecclesiae Lateranensis, & Basilicae Principis Apostolorum, & in Acie Campi Florae de Urbe per aliquem ex Nostros Curforibus affixae, & publicatae fuerint, omnes, & singulos tam in Urbe, quam in Districtu, & Ditione praefatis existentes, perinde obligent, & arceant, ac si unicuique eorum personaliter, & nominatim intimatae fuissent; Quodque earum transumptis, etiam impressis, manu Notarii publici subscriptis, & sigillo alicujus personae in Dignitate Ecclesiastica constitutae munitis, eadem prorsus fides in judicio, & extra adhibeatur, quae iisdem praesentibus, si exhibitae, vel ostensa fuissent, adhiberetur.

Fides  
Transum-  
ptorum.

Sanctio  
poenalis.

§. 27. Nulli ergo omnino hominum liceat, paginam hanc Nostrarum approbationis, confirmationis, innovationis, voluntatum, mandatorum, decretorum, suppressionum, abolitionum, abrogationum, praeservationum, concessionum, declarationum, separationum, restitutionum, unionum, annexionum, incorporationum, revocationis, cassationis, annulationis, Constitutionis, assignationis, derogationis, aliorumque praemissorum infringere, seu ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

28. No-  
vemb.  
1692. P.  
A. 2.

Datum Romae apud S. Mariam Majorem Anno Incarnationis Dominicae millesimo sexcentesimo nonagesimo secundo, quarto Ka-

lend. Decembris Pontificatus Nostri Anno se-  
cundo.

J. F. CARD. ALBANUS.

B. Card. Prodatarius

Visa de Curia J. Sacripantes.

Loco † plumbi

D. Ciampinus.

Registrata in Secret. Brevium.

Anno à navitate D. Nostri Jesu Christi millesimo sexcentesimo nonagesimo secundo, Indictione decima quinta, die vero vigesima octava Novembris, Pontificatus autem sanctissimi in Christo Patris & Domini Nostri, Domini Innocentii Divina providentia Papa XII. Anno secundo supradicta Constitutio affixa, & publicata fuit ad valvas Ecclesiae S. Joannis Lateranensis, Basilicae Principis Apostolorum, & Cancellariae Apostolicae, in Acie Campi Florae, ac in aliis locis solitis, & consuetis Urbis, per me Antonium Canutum ejusdem Sanctissimi Domini Nostri Papae Cursorem.

JO. GRECUS Curs. Magister.

Diversae Ordinationes pro Provincia Nationis Ordinis Fratrum Minorum S. Francisci tam de Observantia, quam Recollectorum respectivè nuncupatorum. Intuitu obedientiae ab eis nuper praefatae Ministro Generali dicti Ordinis.

Affixio  
& publi-  
catio 28.  
Novemb.  
1692.

XXXIV.

INNOCENTIUS PAPA XII.

Ad futuram rei memoriam.

Injuncti Nobis caelitus Pastoralis Officii sollicitudo Nos admonet, ut paternam Christi fidelium, divinis obsequiis sub arctioris vitae instituto laudabiliter incumbendum, curam gerentes, eos in pace, & justitia continere, ac enata inter ipsos animorum dissidia, ne amabilis concordiae, fraternaeque charitatis serenitatem diutius conturbent, opportunis rationibus recidere, nec non illorum statui, & quieti, quantum Nobis ex alto conceditur, consulere studeamus.

Proemi-  
um.

§. 1. Exponi siquidem Nobis nuper fecerunt dilecti filii Ludovicus Duval, & Claudius Bonaventura Sicault, nec non Edmundus Godelle, & Salvianus Paquin Procuratores, seu Deputati Provinciarum Nationis Gallicae Ordinis Fratrum Minorum Sancti Francisci tam de Observantia, quam Recollectorum respectivè nuncupatorum, quod cum alias, videlicet anno MDCLXXXVIII. tunc existentes Vocales ejusdem Nationis Electionibus, aliisque in Capitulo Generali dicti Ordinis in hac Alma Urbe celebrato actis, ob sibi tunc denegatam ad Generalatum, aliaque Officia generalia ejusdem Ordinis, quam praetendebant, Alternativam, interesse recusaverint, eaque de causa à Capitulo Generali praedicto recesserint: Ipsum vero Capitulum Generale ad electionem trium Definitorum Generalium pro praedicta Natione, caeteroqui eligi solitorum, minime devenerit; abinde omnes, & singulae personae utriusque sexus Provinciarum hujusmodi obedientiam tum existenti in memorato Capitulo Generali electo, ac subinde dilecto filio moderno Ministris Generalibus ejusdem Ordinis nullatenus hucusque praestiterunt.

Narratur  
causa di-  
fcessus à  
Capitulo  
Generali.

§. 2. Cum autem, sicut eadem expositio sub-  
jungebat, jam nunc personae hujusmodi unionem spiritus in vinculo pacis servare cupentes, tam eidem moderno, quam ejus pro tempore Successoribus Ministris Generalibus dicti Ordinis canonice eligendis debitam obedientiam, juxta Apostolicarum, & ipsius Ordinis Constitutionum praescriptum, praestare, dictumque Capitu-

Oblatio  
redeundi  
ad unio-  
nem, &  
obedien-  
tiam.